



唐詩紀事卷第二

明皇

德宗

文宗

宣宗

昭宗

明皇

軒遊宮十五夜云行邁離秦國巡方赴洛師路逢三五
夜春色暗中期關外長河轉宮中淑氣遲歌鍾對明月
不減舊遊時

初入秦川路逢寒食詩云洛川芳樹映天津灞上垂楊
窄地新直為經過行處樂不知虛度兩京春去年有閏
今春早曙色和風着花草可憐寒食與清明光輝併在
長安道自從關路入秦川爭道何人不戲鞭公子途中

唐詩紀事卷二
方蹴踘佳人馬上戲鞦韆渭水長橋今欲渡忽忽漸見
新豐樹遠看驪岫入雲霄預想湯池起煙霧煙霧氛氲
水殿開蕙拂香輪歸去來今歲清明行已晚明年寒食
更相陪

早渡蒲關云鐘鼓嚴更曙山河望望通鳴鑿下蒲坂飛
旆入秦中地險關逾壯天平鎮自雄春深津樹合月落
戍樓空馬色分朝景鷄聲逐曉風
希常道泰非復侯
縑同

帝幸蜀西至劔門題詩曰劔閣橫雲峻鑿輿出狩回翠
屏千仞合丹嶂五丁開灌木縈旗轉仙雲拂馬來乘時

方在德嗟爾勒銘材至德二年普安郡守賈深勒石
開元間河南參軍鄭銑朱陽丞郭仙舟投匭獻詩敕曰
觀其文理乃崇道法至於今時不切事情宜各從所好
並罷官度為道士

裴寬除太原尹帝賦詩餞之曰德比代雲布心如晉水
清

早登太行山中言志云清蹕渡河陽凝笳上太行火龍
明鳥道鐵騎遶羊腸白霧霾陰壑丹霞助曉光澗泉含
宿凍山草帶餘霜野老茅為室樵人薜作裳宣風問耆
艾敦俗勸耕桑涼德慙先哲微猷慕昔皇不因今展義

何以冒垂堂

帝巡省塗次上黨舊宮賦詩序曰朕昔在初九佐貳此州未遇扶搖之力空俟海沂之詠洎大橫入兆出處斯易一揮寶劍遽履瑤圖承曆數而順謳謠著天衣而御區夏嗟乎向時沈默駕四馬而朝京師今日逍遙乘六龍而問風俗爰因巡省途次舊居山川宛然人事無間周遊館宇觸目依然雖迹異漢皇而地如豐邑擊筑慷慨酌杯留連空想大風題茲短什詩云三千初擊浪九萬欲搏空天地猶驚否陰陽始遇蒙存身斯歷試佐貳佇昭融多謝時康理良慙寶劍功長懷問鼎氣夙負拔

山雄不學劉焜舞先歌漢祖風英髦既包括豪傑自守
籠人事一朝異謳歌四海同如何昔朱邸今此作離宮
鴈沼澄瀾翠猿巖落照紅小山秋桂馥長坂舊蘭蕙
是淹留處乘歡樂未窮

答張說出雀鼠谷云雷出膺乾象風行順國入川途猶
在晉車馬漸歸秦背陝關山險橫汾鼓吹頻草依陽谷
變花待北巖春聞有鷓鴣客清詞雅調新求音思欲報
心迹竟難陳

送張說巡邊雲端拱復垂裳長懷御遠方股肱申教義
戈劍靜要荒命將綏邊服椎圖出廟堂三台入武帳八

座起文昌寶曹匡韓主華宗輔漢王茂先慙博物平
謝文章盡節恢時佐輸誠禦寇場三軍臨朔野駟馬
戎行鼓吹威夷狄旌軒溢洛陽雲臺先著美今日更
芳

送張說上集賢學士云廣學開書殿崇儒引席珍集賢
招袞職論道命台臣禮樂泐今古文章革舊新獻酬
俎列賓主位班陳節變雲初夏時移氣尚春所希光
史策千載仰茲晨

左丞相說右丞相璟太子少傅乾曜同上官命讌東堂
賜詩云赤帝收三傑黃軒舉二臣由來丞相重分掌國

之鈞我有握中璧雙飛席上珍子房推要道仲子訝風
神復輟台衡老將為調護人鷓鴣同拜日車騎擁行塵
樂聚南宮宴觴連北斗醇俾予成百揆端拱問彝倫

同二相已下群臣宴樂遊園賜詩云巽日巖廊暖需雲
宴樂初萬方朝玉帛千品會簪裾地入南山遠城分北
斗餘林塘垂柳密原隰野花踈帝幕看逾暗歌鍾聽自
虛興闌歸騎轉還奏弼違書

二相謂張宋也

千秋節賜群臣鏡詩云臺上冰華澈窻中月影臨更街
長壽帶留意感人深是日賜宴詩云月街花綬鏡露綴
綵絲囊張說應制云珠囊含瑞露金鏡抱僊輪

開元十六年帝自擇廷臣為諸州刺史許景先虢州源
光裕鄭州寇泚宋州鄭溫琦邠州袁仁恭杭州崔志廉
襄州李昇期邢州鄭放定州蔣挺湖州裴觀滄州崔誠
遂州凡十一人行詔宰相諸王御史以上祖道洛濱盛
具奏太常樂帛舫水嬉命高力士賜詩令題座右帝親
書且給筆紙令自賦賚絹三千遣之帝詩云眷言思共
理鑒寐想惟良猗歟此推擇聲績著周行賢能既俟進
黎獻實佇康視人當如子愛人亦如傷講學試誦論阡
陌勸耕桑虛譽不可飾清知不可忘求名迹易見安直
德自彰獄訟必以情教民貴有常恤惇且存老撫弱復
綏強勉哉各祗命知予眷萬方

帝為趙法師別造精院過院賦詩并序云秋九月聽政
觀風存乎遊息退朝之後歷西上陽入清虛院則法師
所居之地也法師得玄元之法養浩然之氣故法此仙
家特建真宇紫房對聳綠竹羅生既親重其人每經過
其地以怡神洗雪進德修業何必齊心累月遠在順風
因而賦詩用適真意云爾詩云宗師新物外為道運虛
舟不戀巖泉賞來從宮禁遊探玄知幾歲習靜更宜秋
煙樹辨朝色風湍聞夜流坐朝繁聽覽尋勝在清幽欲
廣無為化因茲庶可求又送趙師還蜀因名山真簡詩

云道家真靈簡自昔仰神仙真子今將命蒼生福可傳
江山尋故國城郭信依然二室遙相望雲迴洞裏天法

觀宇在今蜀州新津縣也

天寶十六年又送忠州太守唐昭遠等詩雲端拱臨中
樞緬懷共理子不惟臺閣英孰振循良美分符侯甸內
拜手明庭裏誓節期飲冰調人方導水嘉聲馳九牧惠
化光千祀時雨侔昔賢芳猷貫前史佇爾頌中和吾將
令卿士

德宗

元日退朝觀軍仗歸營云獻歲視元朔萬方咸在庭端

旒揖群后迴輦閱師貞綵仗宿華殿退朝歸禁宮分行
左右出轉旆風雲生歷歷趨複道容容映層城勇幹矜
捷技令肅無喧聲眷此戎旅節載嘉良士誠順時傾宴
賞亦以助文經

中和節日宴百寮賜詩云韶華啓仲序初吉諧良辰肇
茲中和節式慶天地春歡酣朝野同生得區宇均雲開
灑膏露草疏芳河津歲華方載陽東作方肆勤慙非薰
風唱曷用慰吾人

中和節賜百官讌集因示所懷云至化常在宥保和茲
息人推誠撫諸夏與物長為春仲月風景暖禁城花柳

新芳時協金奏錫燕周群臣絲竹豈云樂忠賢唯所親
庶洽朝野意曠然天下均

帝步晦日為中和節故呂渭詩云皇心不向晦改節號
中和淑氣同風景佳名自詠歌湔裙移舊俗賜尺下新
科歷象十年正醕醪四海多貞元八年試宏詞以中和
節詩應詔

重陽日即事云令節曉澄霽四郊煙靄空天清白露潔
菊散黃金叢寡德荷天貺順時休百工豈懷歌鐘樂思
為君臣同至化在亭育相成資始終未知康衢詠所仰
惟年豐

豐年多慶九日示懷云爽氣肅時令早衣聞朔鴻重陽
有佳節具物欣年豐皎潔暮潭色芬敷新菊叢芳罇滿
衢室繁吹凝煙空會合信吾道保和惟爾同推誠至玄
化天下期為公

九日絕句云禁苑秋來爽氣多昆明風動起滄波中流
簫鼓誠堪賞詎假橫汾發棹歌

重陽中外同懽餘字韻群臣亦以其韻奉和故權德輿
云宸衷在成化藻思煥瓊琚微臣侍竊林豈足歌唐虞
又重陽即事豐年多慶二詩以同字韻依以奉和故德
輿前章云天道光下濟睿詞敷大中後章云澤均行葦

厚年慶華黍豐武元衡前章云重陽德澤振萬國歡娛
同後章云賡歌禹功盛擊壤堯年豐九奏碧霄裏千官
皇澤中

重陽日中外同歡以詩言志因示群臣云爽節在重九
物華新雨餘清秋黃葉下菊散金潭初萬寶行就稔百
工歡所如歡心暢遐邇殊俗同車書至化自敦睦佳辰
宜宴胥鏘鏘間絲竹濟濟羅簪裾此樂匪足耽此誠期
永享

七月十五日題章敬寺云招提邇皇邑復道連重城法
筵會早秋駕言訪禪扃嘗聞大仙教清淨宗無生七物

匪吾寶萬行先求成名相既雙寂繁華莫所榮金風扇
微涼遠煙凝翠晶松院靜苔色竹房深磬聲境幽真慮
恬道勝外物輕意適本非說含毫空復情

正元五年初置中和節帝製詩寫本賜戴叔倫於容州
詩云東風變梅柳萬彙生春光中和紀月令方與天地
長耽樂豈予尚懿茲時景良庶遂亭育恩同致寰宇康
君臣永終始交奉符陰陽曲沼水新碧華林挑少芳勝
賞信多歡戒之在無荒

送徐州張建封還鎮云牧守寄所重才賢生為時宣風
自淮甸授鉞膺藩維入覲展遐戀臨軒慰來思忠誠在

方寸感激陳情詞新國爾所尚恤八于是資歡宴不盡
懷車馬當還期穀雨將應候行春猶未遲勿以千里遙

而云無已知

獨建元

後藩

朝

帝善為文尤長於篇什每與學士言詩於浴堂殿夜分
不寐貞元中昭義節度李抱真薦貝州宋庭芬之女若
昭召入禁中試文帝咨美帝每與侍臣賡和若昭若萃
等五人皆預呼學士

貞元四年九月賜宴曲江亭帝為詩序曰朕在位僅將
十載實賴忠賢左右克致小康是以擇三令節錫茲宴
賞俾大夫卿士得同歡洽也夫共其戚者同其休有其
初者貴其終咨爾群寮順朕不暇樂而能節職思其憂
咸若時則庶乎理矣因重陽之會聊示所懷詩云早衣
對庭燎躬化勤意誠時此萬機暇適與佳節并曲池潔
寒流芳菊舒金英乾坤爽氣澄臺殿秋光清朝野慶年
豐高會多歡聲永懷無荒誠良士同其情因詔曰卿等
重陽會宴朕想歡洽欣慰良多情發于中因製詩序令
賜卿等一本可中書門下簡定文詞士三五十人應制
同用清字明日內於延英門進來宰臣李泌等雖奉詔
簡擇難於取舍由是百寮皆和上自考其詩以劉太真
及李紆等四人為上等鮑房于邵等四人為次等張濛

殷亮等二十三人為下等而李晟馬燧李泌三相之詩不加考第

幸章敬寺詩松院淨苔色竹房深磬聲時人傳誦帝晚年工詩句臣下莫及每御製奉和退而笑曰排公俗有投石之戲兩頭置標號曰排公以中不中為勝負也杜太保在淮南進崔叔靖詩一百篇帝曰此惡詩何用進時云奉勅惡詩

韋綬以內相感心疾罷還第帝九日作黃菊歌顧左右曰安可不示韋綬遣使持往綬遽奉和附使進帝曰為文不已豈願養耶敕曰自今勿復爾

文宗

上元日詩云上元高會集群仙心齋何事欲祈年丹誠儻徹玉帝座且共吾人慶大田

又云莫生三五葉初齊上元羽客出桃蹊不愛仙家豈真訣願蒙四海福黔黎

裴度拜中書令以疾未任朝謝上巳曲江賜宴群臣賦詩帝遣中使賜度詩曰注想待元老識君恨不早我家枉石衰憂來學丘禱仍賜御札曰朕詩集中欲得見卿唱和詩故令示此卿疾未差可異日進來御札及門而度薨

常謂左右曰若不甲夜視事乙夜觀書則何以為人君耶每試進士多自出題目及所司進所試披覽吟詠終日忘倦常延學士於內庭討論經義較量古今令宮女以下侍茶湯飲饌李訓講周易時方盛夏遂命取水玉腰帶辟暑犀如意以賜訓曰如意足以與卿為談柄也讀高郢無聲樂賦白居易求玄珠賦謂之玄祖

帝聽政暇博覽群書一日延英顏問宰臣詩云呦呦鹿鳴食野之苹苹是何草時宰相楊珪楊嗣復陳夷行相顧未對珪曰臣按爾雅苹是藜蕭上曰朕看毛詩䟽葉圓而花白藜生野中似非藜蕭

又一日問宰臣古詩云輕衫襯跳脫跳脫是何物宰臣未對上曰即今之腕釧也真詰言安妃有斷粟金跳脫是臂飾

帝好五言自制品格多同蕭代而古調清峻嘗欲置詩博士貞穆李公曰陛下遠慕堯舜而置詩博士况詩人多輕昧於識理今翰林學士皆能文詞而古今篇什足可怡悅聖情帝乃止

李公珪也

甘露事後帝不樂徃徃瞠目獨語云須殺此輩令我君臣間絕後賦詩曰輦路生春草上林花滿枝憑高無限意無復侍臣知翌日觀牡丹誦賦吟罷始憶舒元輿之

詞歎息泣下因命作樂聊自適宮人沈翹翹者歌河滿
子有浮雲蔽白日之句其聲宛轉上因敕殿問曰汝知
之耶此文選古詩第一首蓋忠臣為姦邪所蔽也乃賜
金臂環問其從來則吳元濟女也自陷掖庭易姓沈氏
配樂籍又奏曰妾本藝方響迺白玉也推則響犀為之
願賜臣妾帝命賜之既至命奏涼州之曲音韻清越聽
者無不凄然嘗詔開元霓裳羽衣舞參於雲韶肄于廷
太常少卿馮定部諸工立簾間端凝若植問李珣珣以
定對帝喜曰豈非能古章句者耶親誦定送客西江詩
召升殿賜禁中瑞錦詔悉以所著上嘗與宰相論詩之
工拙鄭覃曰詩之工者無若三百篇皆國人作之以刺
美時政王者采之以觀風俗耳不聞王者為詩也後代
辭人之詩華而不實無補於事陳後主隋煬帝皆工於
詩不免亡國陛下何取焉覃薦於經術上甚重之
常吟杜甫曲江篇云江頭宮殿鎖千門細柳新蒲為誰
綠乃知天寶以前樓臺之盛鄭注乃命神策軍淘曲江
昆明二池許公卿立亭館兩軍造紫雲樓彩霞亭內出
樓額賜之

宣宗

宣宗十二年前進士陳玩等三人應博學宏辭選所司

考定名第及詩賦論進訖上於延英殿詔中書舍人李
 藩等對上曰凡考試之中重用字如何中書對曰賦即
 偏枯駁雜論即褒貶是非詩即緣題落韻中只如書云起封
 雲和瑟常聞帝子靈馮夷空自舞楚客不堪聽逸韻諧
 孰詩重用字對曰錢起湘靈鼓瑟詩有兩不字曰善撫
 金石清音發杳冥蒼梧來怨慕白芷動芳馨流水傳湘
 浦悲風過洞庭曲終人不見江上數峯青上覽錢公此
 年宏詞詩曰且一種用文字此詩似不及起起則今之
 協律文字也合於匏革宮商即變鄭衛之奏雖謝朓云

洞庭張樂地瀟湘帝子遊雲去蒼梧野水還江漢流未
 若此鼓瑟一篇摛藻研華無以加其前進士宏詞詩重
 字若登科更待明年考校起詩便付吏選帝好進士及
 第每對朝臣問及第苟有科名對者必大喜便問所試
 詩賦題目并主司姓名或佳人物偶不中第必歎惜移
 時嘗於內自題鄉貢進士李道龍白居易之死帝以詩
 吊之曰綴玉聯珠六十年誰教冥路作詩仙浮雲不繫
 名居易造化無為字樂天童子解吟長恨曲胡兒能唱
 琵琶篇文章已滿行人耳一度思鄉一愴然帝製奏邊
 陲曲其詞云海岳咸通及帝垂拱而年號咸通焉庶子

裴惲進詩賀聖政有太康字帝怒曰太康失邦乃以比
我戶部韋澳奏云晉平吳寇改號太康雖有失邦之言
乃見歸美之文上曰天子大須博覽不然幾錯罪惲
舊制盛春內殿賜宴三日帝妙音律每先裁製新曲俾
禁中女伶迭相教授至是出宮女數百分行連袂而歌
其曲有曰播皇猷者率高冠方履褒衣博帶趨走俯仰
皆合規矩于然有唐堯之風焉有曰葱女踏歌隊者
率言葱嶺之士樂河湟故地歸國復為唐民也若霓裳
曲者皆執節幡被羽服態度凝澹飄飄然有翔雲舞鶴
見左右如是數十曲流傳民間出令狐澄
正陵遺事

昭宗

陝府唐昭宗有詩云安得有英雄迎歸大內中或曰道
遙樓有太宗詩云昔乘匹馬去今驅萬乘來志意不侔
矣乾寧三年李茂貞犯闕帝次華州韓建迎歸郡中帝
鬱鬱不樂每登城西齊雲樓遠望明年秋制菩薩蠻二
首云登樓遙憶秦宮殿茫茫只見雙飛燕渭水一條流
千山與萬丘遠煙籠碧樹陌上行人去何處是英雄迎
奴歸故宮又曰飄飄且在三峯下秋風往往堪霑灑腸
斷憶仙宮朦朧煙霧中思夢時時睡不語長如醉早晚
是歸期蒼穹知不知

帝戊午年還京庚申歲劉季述為變冊德王帝明年正月一日返正改元天復十一月朱全忠領兵入河中四日冬節帝又為鳳翔兵士擁幸岐城帝在城中忽一旦大雷雨牛馬震死街西古槐殿東鴟吻立碎帝為詩曰只解劈牛無劈樹不能誅惡復誅兇朱全忠迎駕圍逼首涉三載癸亥正月駕幸全忠軍乃還京甲子歲全忠遣冠豸卿逼幸終四月改元天祐帝在陝嘗曰紇干山頭凍死雀何不飛去生處樂

唐詩紀事卷第二

唐詩紀事卷第三

武后

徐賢妃

上官昭容

越王貞

韓王元嘉

孔紹安

鄭世翼

董思恭

何仲宣

沈叔安

陵敬

袁朗

牛鳳及

朱子奢

庾抱

張文恭

陳叔達

薛收

武后

天授二年臘卿相欲詐稱花發請幸上苑有所謀也許之尋疑有異圖乃遣使宣詔曰明朝遊上苑火急報春知花須連夜發莫待曉風吹於是凌晨名花布苑羣臣

咸服其異后託術以移唐祚此皆妖妄不足信也大凡后之詩文皆元萬頃崔融輩為之

同太平公主遊九龍潭則天御製云山窻遊玉女澗戶對瓊峯巖頂翔雙鳳潭心倒九龍酒中浮竹葉杯上寫芙蓉欲驗山家賞唯有入松風

萬歲通天元年鑄九鼎成置于東都明堂之庭后自製曳鼎歌令曳者唱和焉開元二年太子賓客薛謙光獻東都九鼎銘其蔡州鼎乃武后所製文曰羲農首出軒昊膺期唐虞繼踵湯禹乘時天下光宅域內雍熙上玄降鑒方建隆基紫微令姚元崇奏曰聖人啓運休兆必

彰請宣付史館明皇御名已兆於此

徐賢妃

秋風函谷應詔云秋風起函谷勁氣動河山偃松千嶺上雜雨二陵間低雲愁廣隰落日慘潼關此時飄紫氣應驗真人還

長安崇聖寺有賢妃粧殿太宗曾召妃久不至怒之因進詩曰朝來臨鏡臺粧罷暫徘徊千金始一笑一召詎能來

貞觀二十三年上疏諫太宗息兵罷役其略曰大業者易驕願陛下難之善始者難終願陛下易之又曰漆器

非延叛之方築造之而人叛玉杯豈招亡之術約用之而國亡侈麗之源不可不遏作法於儉猶恐其奢仁注於奢何以制後

賢妃名惠湖州人生五月能言四歲通論語八歲曉屬文父孝德嘗試使擬離騷為小山篇曰仰幽巖而流盼撫桂枝以凝想將千齡兮此遇荃何為兮獨往孝德大驚知不可掩於是所論著遂傳太宗知之召為才人遷充容永徽元年卒贈賢妃弟齊叅子堅皆以學名

上官昭容

綠書怨云葉下洞庭初思君萬里餘露濃香被冷月落

錦屏虛欲奏江南曲貪封薊北書書中無別意唯悵久

離居

九月九日上幸慈恩寺登浮圖群臣菊花壽酒賦詩婕妤獻詩云帝里重陽節香園萬乘來却邪莫入佩獻壽菊傳杯塔類承天湧門疑待佛開睿詞懸日月長得仰

昭回

十月駕幸三會寺婕妤獻詩云釋子談經處軒臣刻字留故臺遺老識殘簡聖皇求駐蹕懷千古開襟望九州四山緣塞合二水夾城流宸翰陪瞻仰天杯接獻酬太平詞藻盛長願托鴻休

中宗立春日遊苑迎春昭容應制云密葉因裁吐新花
逐剪舒攀條雖不認摘藥詎知虛春至由來發秋還未
肯踈借問桃將李相比欲何如

長寧公主流杯池六首玉環騰遠兆金埒荷殊榮弗玩
珠璣飾仍留仁智情鑿山便作室憑樹即為楹公輸與
班爾從此遂韜聲其登山一長望正遇九春初結駟填
街街間闔滿邑居闔雪梅先吐驚風柳未踈直愁斜日
落不畏酒樽虛其齊曉氣清和披襟賞薜蘿玳瑁凝春
色琉璃漾水波跂石聊長嘯攀松乍短歌除非物外者
誰就此經過其暫爾遊山第淹留惜未歸霞牕明月滿

澗戶白雲飛書引藤為架人將薜作衣此真攀翫所臨

睨賞光暉其四放曠出煙雲蕭條自不群漱流清意府隱

几避囂氛石盡裝苔色風梭織冰文山室何為貴雀餘

蘭桂薰其五策杖臨霞岫危步下霜蹊志逐深山靜途隨

曲澗迷漸覺心神逸俄看雲霧低莫怪人題樹祇為賞

幽棲其六七言三首沁水田園光自多齊城樓觀更無過

倩語張騫莫辛苦人今從此識天河其參差碧岫聳蓮

花潺湲綠水瑩金沙何須遠訪三山路人今已到九仙

家其憑高瞰迥足怡心茵閣桃源不暇尋餘雪依林成

玉樹殘雲點岫即瑤岑其五言九首攀藤招逸客偃桂

叶幽情水中看樹影風裏聽松聲其一携琴待叔夜負局

訪安期不應題石壁為記賞山時其二泉石多仙趣巖壑

寫奇形欲知堪悅耳唯聽水泠泠其三巖壑恣登臨瑩目

復怡心風篁類長笛流水當鳴琴其四懶步天台路惟登

地肺山幽巖仙桂滿今日恣情攀其五暫遊仁智所蕭然

松桂情寄言棲遯客勿復訪蓬瀛其六瀑溜晴疑雨叢篁

晝侶昏山中真可託暫請報王孫其七傍池聊試筆倚石

旋題詩預彈山水調終擬從鍾期其八橫鋪豹皮褥側戴

鹿胎巾借問何為者山中有逸人其九四言五首檀欒竹

影颯颯松聲不煩歌吹自足娛情其一仰循茅宇俯盼喬

枝煙霞問訊風月相知其二枝條鬱鬱文質彬彬山林作

伴松桂為鄰其三清波洶湧碧樹冥濛莫怪留步闕

其四莫論圓嶠休說方壺何如魯館即是仙都其五三言

二首逐仙賞展幽情踰崑閬邁蓬瀛其一遊魯館陟秦臺

汗山壁愧瓊瓌其六

張說作昭容文集序云古者有女史記功書過有女尚

書決事宮閣昭容兩朝專美一日萬機顧問不遺應接

如響雖漢稱班媛晉譽左嬪文章之道不殊輔佐之功

則異迹秘九天之上身沒重泉之下嘉猷令範代罕得

之命喜則九圍挾纊怒則千里流血靜則黔黎乂安動則蒼旻罷弊入耳之語諒其難乎貴而勢大者疑賤而禮絕者隔近而言輕者忽遠而意忠者忤惟窈窕柔曼誘掖善心忘味九德之衢傾情六藝之圃故登崑巡海之意寢剪胡刈越之威息璿臺瓊服之態消從禽嗜樂之端廢獨使溫柔之教漸於生人風雅之聲流於來葉非夫玄黃毓粹貞明助思衆妙扶識群靈挾志誕異人之寶授興王之瑞其孰能臻斯懿乎鎮國太平公主道高帝妹才重天人昔嘗共遊東壁同宴北渚倏來忽往物在人亡憫雕瑄之殘言悲素扇之空曲上聞天子求

椒房之故事有命史臣叙蘭臺之新集

中宗正月晦日幸昆明池賦詩群臣應制百餘篇帳殿前結綵樓命昭容選一首為新翻御製曲從臣悉集其下須臾紙落如飛各認其名而懷之既退唯沈宋二詩不下又移時一紙飛墜競取而觀乃沈詩也及聞其評曰二詩工力悉敵沈詩落句云微臣彫朽質羞觀豫章才蓋詞氣已竭宋詩云不愁明月盡自有夜珠來猶涉健舉沈乃伏不敢復爭宋之問詩曰春豫靈池近滄波帳殿開舟凌石鯨動槎拂斗牛回節晦莫全落春遲柳暗催象溟看浴景燒劫辨沉灰鎬飲周文樂汾歌漢武

才不愁明月盡自有夜珠來昭容名婉兒西臺侍郎儀
之孫父庭芝與儀死武后時母鄭方姓夢巨人昇大秤
曰持此秤量天下昭容生踰月母戲曰秤量者豈爾耶
輒啞然應後內秉機政符其夢云自通天以來內掌詔
命中宗立進拜昭容帝引名儒賜宴賦詩婉兒常代帝
及后長寧安樂二公主衆篇並作而采麗益新又差第
群臣所賦賜金爵故朝廷靡然成風當時屬辭大抵浮
靡然皆有可觀昭容力也韋后之敗新闕下

中宗幸溫湯獻三絕句云三冬季月景龍年萬乘觀風
出灞川遙看電躍龍為馬迥騰霜原玉作田其一鸞旗擊

曳拂雲迴羽騎驂驪躡景來隱隱驪山雲外聳迢迢御

帳日邊開其二翠幕朱帷敞月營金壘玉竿泛蘭英歲歲
年年長扈蹕長長又樂承平其三

貞元十四年崔元亮於東都買得研神記一卷有昭容
列名書縫處呂溫感歎因賦上官昭容書樓歌云漢家
婕妤唐昭容工詩能賦千載同自言才藝是天真不服
丈夫勝婦人歌闌舞罷閑無事縱恣優游弄文字玉樓
寶架中天居絨竒秘異萬卷餘水精編袂綠鈿軸雲母
搗紙黃金書風飄花露清旭時綺窻高掛紅綃帷香囊
盛煙繡結絡翠羽拂案青琉璃吟披嘯卷紛無已皎皎

淵機破研理詞縈綵翰紫鸞迴思取窅天碧雲起碧雲
起心悠哉境深轉苦坐自催金梯珠履聲一斷瑤塔日
夜生青苔青苔祕仙關曾比群玉山神仙杳何許遺迹
滿人間君不見洛陽南市賣書肆有人買得研神記紙
土香多蠹不成昭容題處猶分明令人惆悵難為情
高宗後苑雙頭牡丹昭容詩云勢如連壁友心似嗅蘭
人

越王貞

和過溫湯詩鳳輦騰宸駕驪籞次乾遊坎德踈溫液山
隈派煖流寒氛空外擁蒸氣浴中浮林凋帷影散雲斂

蓋陰收霜郊暢玄覽參差落景道

貞善騎射涉文史有吏幹為宗室材王中宗廢居房陵
貞為豫州刺史垂拱四年八月起兵圖反正兵敗及禍

韓王元嘉

奉和同太子監守違戀詩云乾象開層構離明啓少陽
卜征從獻吉守器屬元良逃矣凌周誦遙哉掩漢莊好
士傾南洛多才盛北場地分丹鷲嶺途間白雲鄉儲誠
虔曉夕宸愛積炎涼珠璧連霄漢萬物仰重光高宗為太子也
元嘉高祖子垂拱中刺絳州與越王子冲圖舉兵冲敗
元嘉至京師謀泄后逼令自殺孟利正嘗稱其文曰劉

隣之周思茂不過也

孔紹安

石榴詩可惜庭中樹移根逐漢臣只為時來晚開花不及春

詠天桃詩結葉還臨影飛香欲徧空不意餘花落翻沉露井中

紹安大業末為監察御史高祖為隋討賊河東紹安監其軍深見接遇高祖受禪紹安自洛陽間行來奔高祖大悅拜內史舍人時夏侯端亦嘗為御史先來歸紹安授祕書監因侍宴詠石榴有秣為時來晚開花不及春

之句武德中令狐德棻欲補正歷代史詔各差官主脩一代紹安以中書舍人與崔善為蕭德言主梁多歷年不能就皆罷之紹安在隋時與孫萬壽以文辭稱時謂孫孔

紹安贈蔡君詩云疇昔同幽谷伊爾遷喬木赫奕盛青紫討論窮簡牘

賦結客少年場云結客佩吳鉤橫行度隴頭鴈在弓前落雲從陣後浮吳師驚燧象燕將警奔牛轉蓬飛不息水河結未流若使三邊定當封萬戶侯

鄭世翼

過嚴君平古井詩云嚴平本高尚遠蹈古人風賣卜成
都市流名大漢中舊井改人世寒泉久不通年多既罷
汲無禽乃遂空如何屬秋氣唯見落雙桐

看新婚詩云初筭夢桃李新粧應標梅疑逐朝雲去翻
隨暮雨來雜珮含風響叢花隔扇開姮娥對此夕何用
久徘徊

登北邙還至京洛詩云步登北邙阪踟躕聊寫望宛洛
盛皇居規模窮大壯三河分設險兩峭資巨防飛觀紫
煙中層臺碧雲上青槐夾馳道迢迢脩且曠左右多第
宅參差居將相清晨謁帝返車馬相過訪胥徒各異流

文物紛殊狀囂塵暗天起簫管從風颺伊余忠且直生
平獨淪喪山幽有桂叢何為坐惆悵

世翼滎陽人武德時為揚州錄事叅軍數以言忤物有
崔信明者嘗矜其文謂過李百藥世翼遇之江中謂曰
聞公有楓落吳江冷願見其餘信明欣然多出衆篇世
翼覽未終曰所見不逮所聞投諸水引舟而去貞觀時
坐怨謗流死雋州

世翼巫山高云巫山凌太清岩堯類削成霏霏暮雨合
靄靄朝雲生危峯入鳥道深谷寫猿聲別有幽棲客淹
留攀桂情

董思恭

星詩云歷歷東井舍昭昭右掖垣雲際龍文出池中鳥
色翻流暉下月路墜影入河源方知潁川集別有太丘
門

雲詩云天山飛雪度言是落花朝惜哉不我與蕭索從
風飄鮮潔凌紈素紛糝下枝條良書竟何在坐見容華
銷

虹詩云春暮萍生早日落雨飛餘橫彩分長漢倒色媚
清渠梁前朝影出橋上晚光舒願逐旌旗轉飄飄侍直
廬

霧詩云蒼山寂已暮翠觀黯將沉終南晨豹隱巫峽夜
猿吟天寒氣不歇景晦色方深待訪公超市將予赴華
陰

詠日云滄海十枝暉玄圃重輪慶舜華發晨檻菱彩翻
朝鏡忽遇驚風飄自有浮雲映更也人皆仰無待揮戈
正

昭君怨云琵琶馬上彈行路曲中難漢月正南遠燕山
直北寒髻髮風拂破眉黛雪沾殘斟酌紅顏改徒勞握
鏡看

詠月云北堂未安寢西園聊騁望玉戶照羅幃珠軒明

綺幃別客長安道思婦高樓上所願君莫遺清風時可
訪野郊愴新別河橋非舊餞慘日映峯沉愁雲隨蓋轉
哀笳斷時續悲旌乍舒卷望望情何極浪浪淚空泫無
復昔時人芳春誰共遣

詠琵琶云半月無雙影金花有四時推藏千里態掩抑
幾重悲促節縈紅袖清音滿翠帷駛彈風響急緩曲釧
聲遲空餘關隴恨因此代相思

詠弓詩云上弦明月半激箭流星遠落鴈帶書驚啼猿
映枝轉

詠桃詩云禁苑春光麗花蹊幾樹裝綴條深淺色點露

參差光向日分千笑迎風共一香如何仙嶺側獨秀隱

遙芳

詠李詩云盤根植瀛渚交榦橫倚天舒華光四海卷葉
蔭三川

守歲詩云暮景斜芳殿年華麗綺宮寒辭去冬雪暖帶
入春風階馥舒梅素盤花卷燭紅共歡新故歲迎送一
宵中

又云歲陰窮暮紀獻節啓新芳冬盡今宵促年開明日
長冰銷出鏡水梅散入風香對此歡終宴傾壺待曙光
思恭高宗時中書舍人同撰瑤山玉彩

何仲宣

七夕賦詠成篇云日日思歸勤理鬢朝朝佇望懶調梭
凌風寶扇遙臨月映水仙車遠渡河歷歷珠星疑拖佩
冉冉雲衣似曳羅通宵道意終無盡向曉離愁已復多
仲宣武德正觀間人也

沈叔安

七夕賦詠成篇云皎皎宵月麗秋光耿耿天津橫復長
停梭且復留殘緯拂鏡及早更新粧彩鳳齊駕初成輦
雕鵲填河已作梁雖喜得同今夜枕還愁重空明日牀
南部新書云武德七年遣刑部尚書沈叔安携天像賜

高麗後為潭州都督圖形凌煙閣

陸敬

七夕詩云夙駕鳴鸞啓閭闔霓裳遙裔儼天津五明霜
紈開羽扇百和香車動畫輪婉孌夜分能幾許靚粧冶
服為誰新片時歡娛自有極已復長望隔年人

敬有集十四卷高祖時人也初為竇建德國子祭酒秦
王軍武牢建德軍迫於武牢不得進敬說令取懷州踰
太行入上黨趨壺口駭蒲津乘唐國之虛以取山北建
德不從以及於敗其偽官屬皆降唐

袁朗

唐詩紀事卷三
秋日應詔云玉樹涼風舉金塘細草萎葉落商飈觀鴻
歸明月池迎寒桂酒熟含霧菊花垂一奉章臺宴千秋
長願斯

朗父樞仕陳為德教殿學士陳亡入隋唐初朗為秦王
府文學太宗時為給事中卒帝曰朗仕淺而性謹厚使
人悼惜

賦飲馬長城窟云朔風動秋草清蹕長安道長城連不
窮所以隔華戎規模唯聖作荷負曉成功鳥庭已向內
龍荒更鑿空玉關塵卷靜金微路已通湯征隨北怨舜
詠起南風畫野功初立綏邊事云集朝服踐狼居歎歌

旋馬邑山響傳鳳吹霜華藻瓊釵屬國擁節歸單于
關入日落寒風起驚沙被原隰零落葉已寒河流清且
急四時徃後靜千載干戈戢太平今若斯汗馬竟無施
唯當事筆硯歸去草封禪

牛鳳及

奉和受圖溫洛詩云八神承玉輦六羽警瑤溪戒道伊
川北通旌澗水西御圖開洛匱刻石與天齊瑞日波中
上仙禽霧裏低微臣矯弱翮抃舞接鸞鷲

劉軻與馬植論史官書云文皇帝受命有若魏鄭公揚
仁卿牛鳳及

朱子奢

文德皇后挽歌云神京背紫陌駟駟結行軛北失橫橋
道西分清渭流寒光向龍沒霜氣入松秋今日泉臺路
非是濯龍遊

子奢蘇州人貞觀時為諫議大夫善文辭為人樂易能
劇談以經誼緣飾每侍宴帝令論難群臣

庾抱

賦得胥臺露詩云胥臺既落構荆棘稍侵扉棟折連雲
影梁推照日暉翔鷲逐不及巢燕反無歸唯有團階露
承曉共霑衣

抱仕隋為元德太子學士高祖起兵太子封隴西公以
抱為記室文檄皆出其手俄為東宮學士貞觀初徙趙
王友卒

張文恭

七夕詩云鳳律驚秋氣龍梭靜夜機星橋百枝動雲路
七香飛映月迴雕扇凌雲曳綺衣含情向華幄流態入
重闌歡餘夕漏盡忍結曉驂歸誰念分河漢遠憶兩心

違

文恭貞觀時人與房元齡辛丘馭李懷儼趙洪智劉禕
之楊仁卿上官儀李淳風等同修晉書名為御樓

陳叔達

字子聰陳宣帝子武德初判納言太宗時拜禮部尚書
明辯善為容

初年詩云和風起天霧嚴氣銷冰井索索枝未柔厭厭
漏猶永

春首詩曰雪花聯玉樹冰彩散瑤池翔禽遙出沒積翠
遠參差

又早春桂林殿應詔詩云金鋪照春色玉律動年華朱
樓雲似蓋丹桂雪如花水岸街堦轉風條出柳斜輕輿
臨太液仙露酌流霞

聽隣人琵琶詩云本自龍門桐因妍入漢宮香由羅袖
裏聲逐朱絃中惟有相思韻翻將入塞同關山臨却月
花藥散迴風為將金谷引添令曲未終

薛收

琵琶賦云惟茲器之為宗總群樂而居妙應清角之高
節發號鍾之雅調處躁靜之中權執疎密之機要遏浮
雲而散彩揚白日以垂輝爾其狀也龜腹鳳頸熊據龍
旋戴曲履直破觚成圓虚心內受勁質外宣磅礴象地
穹崇法天候八風而運軸感四氣而鳴絃金華徘徊而
月照玉桂的歷以星懸

收字伯褒蒲州人善屬文為秦王府主簿陝東大行臺
金部郎中武德七年卒太宗即位語元齡曰收若在朕
當以中書令處之收與弟德音元敬齊名號河東三鳳
收為長離德音為鸞鷲元敬年最少為鸕鷀

唐詩紀事卷第三

